

Ubumi

Ipepala 1

hello@dignityonline.org.uk

+447340 573 937

Kabiyeni no Kupepa!

Paulo alembele ku musepela intungulushi ya lukuta Timothy (1 Timoti 2:1-8) ukumukoselesha no kumulangilila mu bupyungishi bwakwe ku lukuta ulwalepita mu nshita isha kosa. Abomfeshe ishiwi lya 'bonse' imiku iingi nganshi, ni pakutila atwibukisheko ukuti twaliitwa uku pepela abantu bonse pantu Lesa afwaya abantu bonse ukupusuka elyo kabili Yesu afwile pa musalaba pa kuti ici cifikilishiwe.

Bonse e bantu bonse fye: aba pa mulu naba panshi; abasambilila na batutu; abakankala na bapina; abasuma nababi; abapakasa abanabo nabapakaswa. Umusango babelamo tacilesakamika Lesa iyo pantu ena alefwaya bonse ukupokelela ubupe buntu abakwatila. Alibatemwa eico naifwe bene tulingile uku batemwa. Cintunshi cimbi icinga cila pa citemwiko elyo no kwisa kuli Lesa muku bapepelako?

Ukusansha fye pa mulimo wakupepela ifipanda fyesu, Paul ale tukonkomesha ukupepela abali mufifulo fya butungulushi mubuteko bwesu, te mulandu nangu teti tusuminishanye nabo mu fintu fimo nelyo tabatutu ngilila iyo. Nga twalomba ukuti kube umutende na mano kuli bonse abatuteka, ukutila bese kuli Lesa no kupilibuka, bushe teti kube ukupuputulwa apakalamba? Te mummye yesu yeka iyo, nelyo mu fipanda fyesu lelo na mufyalo fyesu, ifishi fyesu elyo ne sonde lyonse fye.

Yesu atusambilshe no kupepela abalwani besu, abo abatupakasa. Ici cintu cakosa ukucita lelo cikankala ukwibukisha ukukonka ukupanda amano kwakwa Paul ukupepela abantu 'bonse.' Lesa kuti atwafwa ukupepela abantu aba shupa. Kuti twa bomfya ne fya bupe fya mupashi ukutwafwa ukupepa, icakumwenako nici, nga twasanga ukuti tatukwete amashiwi ayalinga kuti twa pepela mundimi nelyo kuti twalanda ubusesemo mu malembo pa myeo ya bantu elyo ne fyo balepitamo. Ukuya tule enda mumishi na mapepo ya kwenda kuti caba bunte ubukalamba ku bantu bonse abatusinguluka, kabili no kulanga amaka yakwa Lesa mu ncende.

Tulefwaya Lesa ukuteka elyo nokupala incende shonse umo twanyanta amakasa yesu (Yoshua 1:3; Amalango 11:24) elyo na bantu bonse abao tulekumana nabo ilyo tuleya. Amabumba Ybumi, ayaba ngo lukuta lunono mukati ka mishi ilingi yatendekwa fye na bantu abalekumana pamo mukupepela umushi wabo.

Bikeni Muku Cita!

Uno mweshi, kuti mwa leeta abantu pamo ukufuma mufilonganino ifyalekanalekana na mumishi ukutila mupepela pamo nelyo ukwenda mumushi wenu namapepo yakwenda. Nga cakutila mulampana ne mishi naimbi, cinshi teti muletele abantu pamo nokupepa aya mapepo muncende ishing.


Pepeni ukutila:

- 1) Abantu bakwa Lesa balingile ukwikatana pakuya mumushi wabo.
- 2) Pepeni ukutila mupashi wakwa Lesa alande ku bantu bonse abamumushi wenu.
- 3) Pepeni ukutila ifyakubila fya mumushi wenu fisangwe elyo na bantu ba pilibuke.



"Ndetotela akabungwe ka Dignity pantu ndekulilako mu cebo cakwa Lesa. Abantu nabamona ifyo ndekula. Sondo yapitile, nalaile umuntu umo ukuya pepa nankwe. Alekwata ifiloto ifibi ubushiku. Ukufuma fye ilyo twapepele fyonse fyalileka kabili alibafye bwino."

- John, Mwinilunga, Zambia



Ili isambilisho lyakoseleshiwa na "Uku pepela Umushi wenu" isambilisho ilyaba mu Imifula Icitabo 3 – Ubumi Buleetako Ifipya:

dignityonline.org.uk/publications